



Ս Փ Յ Ո Ւ Ռ Գ Ո Ւ Մ

ԼԻՈՆԻ ՀԱՅՈՑ ՍՈՒՐԲ ՀԱԿՈԲ ԵԿԵՂԵՑՈՒ ՕԾՈՒՄԸ

Հունիսի 29-ին և 30-ին, շաբաթ և կիրակի օրերին, կատարվել է Լիոնի հայոց Ս. Հակոբ նորակառույց եկեղեցու օծման հանդիսությունը, խոռոներամ բազմության ներկայությամբ:

Հանդիսության նախագահել է Արևմտյան Եվրոպայի հայրապետական պատվիրակ և Ֆրանսիայի հայոց առաջնորդ գերաշնորհ Տ. Սերովբե արքեպիսկոպոս Մանուկյանը:

Հանդիսության ներկա են եղել Լոնդոնի հայոց հայրապետական պատվիրակ գերաշնորհ Տ. Պսակ եպիսկոպոսը, հոգեշնորհ Տ. Գյուտ վարդապետ Նազաշյանը, Լիոնի, Դեսինի, Վալանսի և Մարսելի եկեղեցիների բաժանա հայրերը:

Լիոնի հայ գաղութը մոտ 50 տարիների պատմություն ունի: Առաջին համաշխարհային պատերազմից հետո, առաջին հայ գաղթականները հաստատվում էին այս հյուրընկալ հողի վրա, և Ավենյու Բերտլո փողոցում կառուցում փայտաշեն իրենց առաջին աղոթքի տունը՝ Ս. Աստվածածինը, որը դառնում էր լույսի, հավատքի տաքուկ բույնը հայ ժողովրդի գաղթական բեկորների:

Անցնող տարիների ընթացքում, սակայն, Լիոնի հայ գաղութը մեծանում էր և կարիք էր զգացվում ավելի շքեղ և մեծ եկեղեցու և սրահի շինության:

1954 թվականին կատարվում էր, համաժողովրդական հանգանակությամբ գնված հողամասի վրա, Լիոնի հայոց նոր եկեղեցու հիմնադրության սրտառուլ արարողությունը՝ ազգային-եկեղեցական վարչության նախաձեռնությամբ:

Ամսօրյապես կազմվում է եկեղեցու շինության հանձնաժողով, որի աշխատանքներին իրենց մասնակցությունն էին բերում նաև տիկնանց և երիտասարդաց միությունները և անհատ նվիրատուներ:

Սակայն եկեղեցին կառուցվում էր ժողովրդի առատաձեռն նվիրատվությամբ:

1963 թվականին ավարտված լինելով ժողովրդի մեծ զոհողություններով շինված եկեղեցու կառուցումը, հունիսի 29-ին, շաբաթ օր, ժամը 5-ին, կատարվում էր եկեղեցու «Իմբացէք»-ի արարողությունը և առաջին անգամ պաշտվում էր այնտեղ երեկոյան ժամերգությունը՝ «Լոյս Զուարթ»-ի անուշ և հոգեպարար արձագանքների մեջ:

Կիրակի, հունիսի 30-ին, սուրբ պատարագի ընթացքում, կատարվում էր նորակառույց եկեղեցու օծումը, հանդիսագրությամբ հայրապետական պատվիրակ սրբազանի, մասնակցությամբ հոգևորական դասի և ի ներկայություն օտար կրոնական, քաղաքային և զինվորական իշխանության բազմաթիվ ներկայացուցիչների և Փարիզից, Լիոնից, Դեսինից, Վալանսից, Մարսելից եկած ժողովրդի խոռն բազմության և ազգային-եկեղեցական մարմինների ներկայացուցիչների:

Եկեղեցու օծման արարողությունից հետո, պատարագի սրբազանը, ի լուր ժողովրդյան, ընթերցում է Ամենայն Հայոց Վեհափառ Հայրապետի 17 հունիս թվակիր շնորհավորական պատգամը, որն ունկնդրվում է մեծ երկյուղածությամբ և խանդավառությամբ:

«Ուրախ է Մայր Աթոռ Ս. Էջմիածինը, ուրախ է նաև Ձեր Հայրապետը:

Ձերմապես կընորհավարենք և կօրհնենք Լիոնի հավատյալ ժողովուրդը նորակառույց եկեղեցվո օծման առթիվ: Թող Աստված հավետ անասաւն և պայծառ պահն ձեր աղաթքի տունը, միշտ խաղաղ ու արևոտ օրերով, տիրախնամ ասպետական Ֆրանսայի լուսավոր երկնակամարին ներքև:

Մեր օրհնությունը նաև Ձերդ Սրբազնության, եկեղեցական վարչության, շինության

հանձնախումբին, տիկնանց և երիտասարդաց միությանց, Լիոնի ֆահանա հայրերուն և բոլոր բարեպաշտ նվիրատուներուն:

«Երանի՜ եկեղեցի շինողաց»:

Կեցցե՛ շայաստանայց Սուրբ եկեղեցին:

Կեցցե՛ փրանսահայ ժողովուրդը:

Այնուհետև հայրապետական պատվիրակ սրբազանը իր քարոզում ասում է.

«Այսօր պատմական թվական մըն է Լիոնի հայության համար, վասնզի տասը տարինե-րու մեր հույսերը, մեր ակնկալութիւնները վերջապես արդիւնք մը տվին: Այսօր աղոթք-ներով, շարականներով և Ս. Մլուռոնի օգնութեամբ օծեցինք եկեղեցին, որ ամենն առաջ Աստուծո տունն է, հետո մեր ազգային տունն է, լեզվին, մշակութիւն տունն է, ինչ-պես նաև ձեր տունն է: Հոս պիտի մկրտվին ձեր զավակները և ձեր ննջեցյալները պիտի արժանանան Աստուծո աղոթքին: Սակայն, նյութական շենքը չի բավեր: Ասկե ետք պետք է որ հավատքով, հույսով և համերաշ-խութեամբ կերտեք նաև հոգևոր ու բարոյա-կան շենքը: Աստված պայծառ ու համերաշխ պահե Ֆրանսայի սուրբ եկեղեցիները և այս եկեղեցին: Ֆրանսայի, ազատութեան, եղ-բայրութեան և հավասարութեան այս գեղեցիկ երկրին մեջ, մեզի պատենհութիւն տրված է զարգանալու ամեն գետնի վրա: Աշխատինք օգտվիլ մեզի ընծայված բոլոր առավելու-թիւններէն»:

Իր քարոզի վերջում, սրբազանը մասնավոր շնորհակալութիւն է հայտնում թե՛ անհատ-ներին և թե՛ կազմակերպութիւններին, որոնք իրենց սրտագին մասնակցութիւնն են հան-դես բերել եկեղեցու շինութեան:

Լիոնի հայոց նորակառույց եկեղեցին կոչ-վել է Ս. Հակոբ, ի հիշատակ հանգուցյալ Հակոբ Հակոբյանի, որի որդին՝ փարիզաբնակ Կարապետ Հակոբյանը, եկեղեցու շինութեան համար նվիրել է տասը միլիոն հին ֆրանկ, մոտ 20 հազար դոլար, այսինքն ծախսերի մեկ տասներորդը:

Նորակառույց եկեղեցին ընդարձակ է և գե-ղեցիկ, շինված հայկական ոճով: Ունի ըն-դարձակ սրահ՝ եկեղեցու ետևի մասում, զրադարան, սենյակներ և եկեղեցականների բնակութեան հարմար հարկարաժիներն՝ ժա-մատուն: Եկեղեցու ճարտարապետները եղել են Արմենակ Հակոբյանը, Մլուգիե և Շահ-բազով:

Սուրբ պատարագից հետո, Լիոնի պանդոկ-ներից մեկում, տեղի է ունենում մեծ ընդու-նելութիւն, որին մասնակցում են շուրջ 200 հոգի հրավիրյալներ: Խանդավառ մթնոլորտի մեջ արտասանվում են ճառեր և կատարվում են բարեմաղթութիւններ եկեղեցու պայծա-րութեան, Լիոնի հայ գաղութի բարգաւաճ-ման, Ս. էջմիածնի անասանութեան և Ամե-նայի Հայոց Վեհափառ Հայրապետի կենաց արեւշատութեան համար:

Տեղական բոլոր օտար թերթերը, ինչպես նաև ձայնասփյուռն ու հեռուստացույցը հան-գամանորեն անդրադարձել են հայ եկեղեցու շինութեան և օծման հանդիսութիւններին, ջերմ գնահատական ստղեր նվիրելով Լիոնի հայ համայնքին, հայ ժողովրդին և Հայ Եկե-ղեցուն:

1963 թվականի հունիսի 30-ը անմոռանալի պատմական մի օր է հանդիսացել մասնավո-րաբար Լիոնի հայ գաղութի և ընդհանրապե՛ս Ֆրանսայի ամբողջ հայութեան համար:

